



Conoce mi, Compronde mi & Yuda mi

Fundacion Autismo Aruba: 5 aña di existencia!

Dia 5 di juni 2010 Fundacion Autismo Aruba ta celebra 5 aña di existencia. E fundacion desde e tempo ey ta brindando servicio di sosten na mayornan cu yiunan cu autismo na Aruba. Alabez ta duna informacion tocante e trastorno aki, pero mas important eta enfoca riba concientisacion di Autismo na Aruba.

Fundacion Autismo Aruba a keda oficialmente funda door di algun mayor cu yiunan cu Autismo na Aruba. E soño di tin un lugar caminda nan mes por reuni y experencia contacto cu otro mayornan, hunto cu nan yiunan pa haya sosten di otro y sinti aceptacion total, a bira realidad. Asina tambe conceptonan di concientisacion tocante Autismo a forma y a establece e fundacion cu te awendia ta den crecemento constante. E crecemento aki a culmina en aña aki cu un simposio di calidad internacional, asina cumpliendo cu un di metanan principal di e fundacion cual ta brinda informacion pa eleva e profesionalidad y servicionan na personanan cu Autismo na Aruba.

Actualmente, FAA tin diferente proyectonan andando conhunto cu voluntarionan entusiasma di e fundacion y tambe cu colaboracion di otro instancianan. E terenan cu e proyectonan aki ta cubri ta consisti di sosten na mayornan, educacion, recreacion, integracion, cuido, screening, sondeo y un plan di strategia nacional.

FAA continuamente ta organisa y participa na diferente actividadnan di concientisacion. Pa e luna di juni FAA lo participa na e EXPO di Fundacion Pa Nos Muchanan cu ta tuma lugar na EPB Hato dia 5 di juni. Tambe tin un exposicion di arte di muchanan na diferente localidadnan, cuminsando cu De Suikertuin durante e siman di 7-12 juni y un movie-night cu e pelicula Horseboy.

FAA tin su portanan habri pa mayornan, profesionalnan y studiantenan cu tin mester informacion tocante autismo y diferente areanan cu esaki ta afecta e persona den su funcionamiento. Por contact Thaisse of Natasha via 5881179 for 8:30 am-4:30 pm. Of manda bo e-mail via fundacion_autismoaruba@yahoo.com. Riba nos website www.autismoaruba.org tin mas informacion tocante nos servicionan.

FAA no ta haya sosten financiero di gobierno y ta depende hopi di ayudo di voluntarionan en combinacion cu donacionnan pa por ta activo. Personanan cu ta sinti pa duna un man na e fundacion aki ta bon bini pa hasi un cita cu nos.